





H. XIII. 8

Nova-Tacina. Liter. -

937.
1





Henrici Nicolai

1. Oratio de Protervia quadam Philosophica.
2. Miscellaneorum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

D. O. M. A.

Adl. 39

GYMNASII ETHICI
EXERCITATIO IV.

De

Virtute & Vitio
Morali.

Quam

PRÆSIDE

HENRICO NICOLAI,

Phil. Profes. Publ.

Placida ventilationi subicit

LUBBERTUS AILARDI,

Frisius Orientalis.

In Gymnasio Gedanensi.

Ad diem Septemb.

Horis locoq; destinatis.

DANTISCI,

Typis Viduz GEORGII RHETIL

Anno M. DC. XLIX.

D. O. M. A.

GYMNASII ETHICI

EXERCITATIO IV.

P.

Virtute & Vicio

Moralis

Quam

PRÆLUDII

HENRICO NICOLAI

Phil. Prof. Publ.

Philos. venerationis iudicium

LUBBERTUS AILARDI

Philos. Orientalis

In Gymnasio Gedanensi

Ad diem Septimum

Horis locodi destinatis

DANTISCI

Typis Viduae GEORGII RHETII

Anno M. DC. XLIX.

EXERCITATIO IV.

De

Virtute & Vitio Morali.



Actus moralis virtuosus vel vitiosus, bonus vel malus est, D. 3. t. 7. Et medium ad finem Ethicæ ordinatum virtus est: D. 2. t. 8. De eâ ergo post doctrinam de fine in prima Ethicæ parte traditam d. 2. principaliter jam in posteriore agendum est, Cum tota Ethicæ doctrina de fine & mediis ad eum absolvatur, d. 1. t. 13.

2. Virtutis vox vel vim & decorem notat, ut in DEO, Eph. 1. v. 19. 2. Pet. 1. v. 8. Vel vim creaturæ, ut in Magnete virtus trahendi ferrum, vel effectum & operationem virtutis, Psal. 110. v. 3. Marc. 6. v. 2. Vel DEAM Romanam, sic, Spes, Opus, Virtus, Venus. Plaut. Vel opem & auxilium, Idem mil. 4. 3. f. 1. Vel principium bonitatis in homine. Sic vel dispositionem ad virtutem notat, sic semina virtutis præclaris ingeniis inesse dicitur: Vel fortitudinem, quæ sæpè virtus Latinis, Cæsar l. 1. Bell. Gall. c. 1. Vel generaliter omnem virtutem, etiam infusam, intellectualem, spiritualem, sic virtus linguarum in Apostolis, fides, Spes, charitas, virtutes spirituales, Sapientia, Scientia, Ars, virtus intellectualis: Vel specialiter solam moralem. Sic hîc sumitur. Et vel à Viro, vel virore & vigore, quem facit, vel vi, aut viri statu vel artu, vel simili dicitur. Quandoq; & habitus moralis, mores, Germ. Tugend à tügen appellatur.

3. Essentia ejus Definitione, Causis, Subjectis, Obj.

affectionibus & divisione explicari potest. Definitio est. *Virtus moralis est Habitus voluntatis acquisitus electivus, medietatem in actibus secundum rectam rationem ex iudicio verè prudentis determinatam servare docens & faciens.*

4. Genus est habitus voluntatis acquisitus electivus. *Habitus & generaliter*, quia habetur à subjecto, & *specialiter*, quia qualitas firmè radicata subjectum ad operandum facilitans, in hoc enim formale habitus. Esseq; genus patet 1. *Remotivè*, Quia nullum aliud genus ei dari potest. *Non potentia*, hæc enim à naturà congenita & immutabilis in subjecto est. *Nec affectus*, hic enim ad bonum & malum morale indifferens est, à naturà oritur, subjecto congeneratur, & à primo ortu inest, sæpè sine consilio & prozressu excitatur. Quæ omnia in virtute non. *Nec operatio*, Quia hæc transit, at virtus permanet in subjecto, & durans quid est. E. Habitus. Aliud enim dari nequit. 2. *Positivè*, Quia definitio habitus ei competit, ut ante visum. *Voluntatis*, quia proximè in voluntate subjectatur, t. 10. Et ut habitus corporis, ut Sanitas, Pulchritudo, & intellectus, ut Scientia, Ars, excludantur. *Acquisitus*, ut à connatis, ut peccatum originis in homine, notitia naturali, ut quidam volunt. V. de notit. c. 2. Concreatis, ut imagine DEI in Adamo, infusus, ut notitia linguarum in Apostolis, distinguatur. *Electivus*, ut proposito iudicio & consilio proficiscatur, non naturà, casu, temerè, impetu, aut violentià indita puretur. Vnde iusta agere ex actu uno, iustè ex toto habitu iudicatur, & hoc demùm virtutis censetur. *Nascimur temperabiles, sed firmus temperantes.* Quidam à natura & temperamento virtutes esse dixerunt, ut *Galenus*, alij *Scientias, Prudentias, propositum,*

tum, animum, bonam vitam, eam dixerunt. Omnia ali-
enè & citra rem, ut *dec. 3. d. 3. t. 6.* dictum.

5. *Cetera ad differentiam pertinent & à formâ ac normâ virtutis sumuntur. Forma in mediocritate. Norma in reſtitutione prudentia ſtatuitur. Mediocritas à medio dicta, quod participationis & negationis extremorum, & hoc vel rei ac æquidistantiæ, vel rationis & prudentiæ faciunt, & in hoc virtus eſt. Deſiniri poteſt mediætas moraliſ circumſtantiarum & requiſitorum conditione ſtatuta, ut attentis illis nil in actu neceſſarij deſit, aut ſuperflui abundet. Moralis, quia non naturalis, ut Cor medium Animalis, nec artificialis, ut Centrum circuli, nec caſualis, ut lignum medium inter duo Circumſtantia quid, d. 3. t. 7. patuit. Eſſe in ea virtutis formam patet 1. Quia oppoſitum ejus, reſeſſus à medio ad exceſſum aut defectum eſt, ut Vicium. E. ejus formale in ſervando medio eſſe oportet. 2. Quia convenientia rectæ rationis norma bonitatis in actu bono d. 3. t. 7. tale medium inter exceſſum & defectum poſtulat. E. & in virtute id eſſe debet, habitus enim bonus eſt. 3. Quia omnis ſpecies virtutis tale medium inter extrema ſervat, ut inductio oſtendit. E. & virtus in genere: & Authores paſſim id fatentur. Ariſtoteles 2. Nicom. c. 6. Plutarchus, Horatius, Alſtedius, Alij, ut t. 8. dictum. Medium prudentia eam eſſe patet, quia non ſemper æq; ab extremis diſtat, ſic liberalitas prodigalitati proprior eſt, quàm avaritiæ, & rationem circumſtantiarum ſervat, ſic plus Milo edit, quàm Seneca, & multas rationes in ſervando medio reſpicit, ut extrema, affectus, circumſtantias, proportionem, &c. Maleq; quidam privationem extremorum, quæ negativum quid, aut extremitatem aut ſummitatem,*

ut *Valla*, *Vallesius*, *Grotius*, *Tempellus*, aliq., aut rectitudinem & ὁρδόνια, non μεσότηα formam ajunt, ut *Scotus*, *Scaliger* Ex. 307. f. 3. *Christ. Matthias* l. 3. *Eth.* p. 3. Ex. 1. *Meisnerus* p. 1. *Ph. S.* f. 2. 2. qv. est. 2. Et *Coron. d. sum. bo. qv. est.* 45. aliq.

6. Hæc enim propriè *norma* est, ad quam mediocritas exigenda. Sed mediocritas esse, distingui, & operari virtutis largitur. Illa id est, secundum quam mediocritas formari, dirigi, & ad quam exanimari debet. *Mediocritas enim rectâ ratione definita in virtute est*, non alia, & hæc ὁρδόνια includit, non sejungit, & utrumq; in virtute est, mediocritas & rectitudo. Hæc etiam forma exemplaris & assistens, illa essentialis & informans est. Sic, cur actus virtuosus est? Quia medium extremorum servat. Cur illud servat? Quia ad rectam rationem formatus est. Medium rectæ rationis pro formâ est, eòq; rectitudinem includit & conjungit.

7. Dices: 1. *Medium* est negatio excessus aut defectus. Non ergò forma positivi. R. Non nuda negatio, sed interna perfectio inter extrema rectæ rationi ut normæ & mensuræ exactè respondens est, & sic forma est. Quædam negativè sono enuntiantur, ut infinitum, increatum, immortale, & positivè sensu intelliguntur. 2. *Virtus* potius summum & extremum quid, quam medium est. R. Ex *Objecto*, gradu, perfectione, bonitate, summum & excellens, ex formali & ratione extremorum medium, non excedens aut deficiens quid est. 3. Quædam virtus cum summa est, eò laudabilior est, ut *Amor Dei*, alia non habet duo opposita, sed unum, ut *justitia* *injustitiæ*, *veracitas*, *Timor iræ Dei*, *infamiæ defectum*, non

exces-

excessum habet. *R. Amor Dei affectus, non virtus, & si hæc, Theologica, non moralis est, & duo extrema habet, superstitionem & odium. Injustitia rigiditatem & impunitatem complectitur. Veracitatis excessus est verum ultra verum augere, & sic falsum esse, defectus, infra verum dicere. Iræ Dei timor nimius esse potest, ut in desperantibus, & prorsus nullus, ut atheis & infidelibus. Similiter infamiae metus, ut in pusillanimib. & impudentib. & fortitudo inter hæc medium servare docet. V. d. 8. s. s. seq.*

8. Semper virtus est *mediocritas* & *μεσότης*, etsi non semper medietas & *μεσότης* fit, h. c. exactè & æqualiter ab extremis distet. Est *medium rationis*, ad quam se componit, *affectus*, quem corrigit & revocat, *extremis* quod tollit & evellit, *Circumstantia*, quam attendit, *rectitudinis*, quam inserit, & *prudentialis*, quam servat. Non ex extremis componitur, sed ea tollit, & inter ea medium figit. Est in medio ratione extremi, in summo, ratione gradus & fastigii, semper una est ratione formalis & prudentiæ, varia ratione existendi & circumstantiæ. 4. *Forma* præcedit formatum, sed *mediocritas* potius sequitur. *R. Secundum nos* præcedit, & idèd virtus, quia *medium rectæ rationis* servat & indit. 5. *Ratio ejus*, cur habitus medium servans virtus sit, quod internam rectitudinem cum lege & ratione habeat. E. *hac prius quid medio*. E. Potius forma. *R. Non sequitur*, etsi forma ad eam ut normam comparata esse debeat. Et sicut norma prius quid esse potest. 6. *Mediocritas* respectivum quid est. At virtus absolutum. *R. Respectivum* rationis tantum est, quia ad rectam rationem ut normam respicit, non rei, quasi totum

totum esse in isto respicere habeat, cum interna perfectio ex ratione constituta sit. *Plura d. 3. c. l. t. 9. 10. seq.*

9. *Ex normâ mediocritatem secundum rectam rationem ex judicio verè prudentis determinatam servare dicitur. Dirigens & velut assistens forma recta ratio est, unde mediocritas rationis, non rei, hîc requiritur. Ingens enim varietas Subjectorum, Circumstantiarum, modorum est, ut voluntas ignoret, quid, qvale, qvomodo, quantum eligendum, nisi ratio prudenter id præscripserit. Recta ratio imperans, dirigens, & præscribens est: Voluntas & virtus directa, parens, exeqvens, moderata, unde prudentia virtus dirigens. Et virtus servare docet ac facit medium: subjectum virtuosum propriè servat. Verè prudens, ne fictitiè, apparenter, aut nominetenùs tantùm talis sit, qvomodo vitia pro virtutibus arripiuntur, astutia pro prudentiâ, temeritas pro fortitudine; Impudentia pro magnanimitate, sed ex justo judicio ad prudentiam formato. Quidam negant talem dirigentem, qvòd nec tales prudentes semper, nec dignosci aut consuli qveant, sæpè dissentiant & errent, nec ratio uspiam recta, nisi in Scripturâ & ab eâ rectificata, ut Amesius L. 2. medull. c. 2. Waleus p. 91. 92. Ethic: Meisnerus c. l. q. 5. Danens 1. Eth. Chri. c. 20. de qvo c. l. t. 14. uberius animum. Falsa enim hæc, & insufficientia.*

10. *Causa virtutis prima Deus, secunda Natura, Homo, animus, moderatus amor sui & proximi, v. d. 5. dec. 3. t. 9. Et voluntas exeqvens ac eligens est, actusq; moralis elicitus & imperatus, Finis honestas, & ultimus civilis Felicitas, Dei; gloria est. Materialis causa in quâ subjectum est, partim inhesionis, ut homo, Mas & Foemina, &*

na, & animus hominis, *partim informationis*, ut principale, voluntas, & secundarium, appetitus sensitivus, quâ ratione regulabilis, eiq; subesse potest. *Circa quam, Obiectum* est, circa quod regendum occupatur. *Internum affectus* humanus in se ad bonum & malum indifferens, virtute ut fune ad medium revocandus: *Externum*, materiarum virtutum, cibus, potus, honor, opes, terribile, sermo, voluptas, dolor, præmium, poena. &c.

11. *Affectio virtutis est convenientia à posteriori ei competens, & eam denominans.* Ut *sinceritas*, quâ sine dolo & hypocrisi est, *Constantia*, quâ in prosperis & adversis perdurat, non vacillat aut cadit, *Connexio*, quâ plerumq; iuncta, & una alteram juvat & promovet, non quod essentialiter nexæ, *Difficultas*, quâ operosum virtutis iter, & curâ ac labore acquiritur, & *Efficacitas*, quâ præclara effecta de se fundit, ut actus decoros, felicitatem, famam, laudem, gloriam, intimam de honesto voluptatem, Deoq; similes efficit. Non autem inter affectiones ipsarum præcipuarum virtutis species numerandæ, ut iustitia universalis, prudentia, fortitudo, Temperantia, ut *Amesius l. 2. medull. C. 2.* Cum affectio semper à specie rei, quæ divisionem parit, diversa sit.

12. *Divisio virtutis in species est, quâ intellectualis & moralis est.* Illa habitus intellectum in vero enuntiando, hæc voluntatem in bono morali operando perficiens est. Illa *directè* huc non pertinet, sed *indirectè*, quâ vocis virtus amplitudo exhauritur, & prudentiam continet, quæ etiam ad Ethicam pertinet, ut post dicitur. *Moralis dirigens & directæ est.* *Dirigens*, quæ proximè & immediate virtutem moralem dirigit, ut medium justè observet,

non ad extrema deflectat. *Estq; prudentia*, quæ intellectualis virtus dicitur, quia in intellectu practico est, eumq; perficit; *Moralis*, quia ad voluntatem regendo eam extenditur, circa *πραγμά* versatur, ab bonum ordinatur, in directione morum occupatur, nec honestum sub *vero* tantum, ut cognoscat, sed & *bono*, ut agere faciat, attendit. Etsi morum non elicitiva, eorum tamen directiva est, ut *Lessius l. 1. d. 1. & j. c. 1.* & sic velut mixta virtus, intellectum & voluntatem simul perficiens est, ut *Meisnerus* loquitur p. 3. Ph. S. s. 1. c. 7. q. 1. In Ecclesiasticis *prudentia Ecclesiastica* eminet, ut sine eâ multi exorbitent, de quo *Vedelius in prudentiâ Veterum* legatur.

13. *Directa*, quæ à prudentiâ in objecto dirigitur, & secundum ejus dictamen se & actus componit. Hæc *universalis*, quæ circa leges & omnium virtutum exercitium obligat, ut *justitia universalis*, & *particularis* est, quæ circa particulare objectum occupatur. Hæc in *primariâ specie* spectatur, quæ plenus habitus, ut *temperantia*, *fortitudo*, *modestia*, *liberalitas* &c. Et *secundariâ ac analogicâ*, quæ ad habitum dispositio & *semivirtus* est, ut *Verecundia*, *Continentia*, & in usu ac fructu exercentium, qui *amicitia* est. De quibus in sequentibus agendum.

14. *Ex gradibus virtus ordinaria* est, quæ communiter in homine reperitur, & *extraordinaria*, quæ singulariter in quibusdam, ut *Heroica*, de quâ d. 14. *Ex subjectis Christiana*, quæ in Christiano, & *non Christiana*, quæ in alio est, ut *Gentili*, *Mahometano*, *Judæo*. Hæc an specie à priori differat, an gradu, quæri solet? Hoc probabilius de morali virtute. Utriusq; enim forma interna eadem, *Medium prudentiæ*, *Objectum*, *actus idem*. *Assistens for-*
ma alia


ma alia in Christiano, fides, undè Evangelicè ea Deo placeat, cum in gentili tantùm legaliter placeat, sed quod accidentale, non essentiale & specificum discrimen importat. Nisi specie differre latissimè sumas, aut virtutes prorsus spirituales intelligas, ut, Fidem, Spem, Caritatem, religionem Theologicam, quas à civilibus totà specie, objectis, formis, causis, actibus, differre certum est. Sic fides in Theologicis Virtus dicitur, sed alterius generis & speciei à fide Ethicà, h. e. fidelitate, quæ ad veracitatem pertinet, d. 10. est.

15. *Oppositum virtutis primum Vitium, secundarium incontinentia est*, motus affectus ad malum, dolorem comitem trahens, & virtutis abusus, qui per accidens est, per se nemo virtute male uti potest. V. Aristotel: 2. Ma. mor. c. 7. l. 1. Rhet. c. 9. *Vitium à vitando vel vi dictum*, & de corpore ac animo usurpatum, de animo hinc capitur, & malum, culpa, macula, labes, pravum, reatus, delictum, erratum, enormitas, &c. dicitur, etsi inter quædam distinguunt, *habitus moralis electivus est*, prava à mediocritate rationis excessu aut defectu recedentia agere faciens. *Habitus analogicè*, nam actibus acquiritur, difficulter excutitur, operandi facilitatem dat, delectationem trahit, & Ethicè materiale cum formali complectitur, actus malus, opus malum. V. dec. 2. d. 3. t. 15. Non rigidè, ac si in re formaliter positivum quid esset, ut bonitas est. Vel enim Dei, sic Deus causa mali, quod non, Psal. 5. v. 5. Psal. 45. v. 8. vel Sathanæ & hominis sine Deo eslet, sic illi potissimum & reale Ens sine Deo, h. e. independentè efficerent, quod utrumquæ non procedit, & absurda Theologica, Physica, Metaphysica, & Ethica invehit. *Electivus*, hinc enim

voluntarium requiritur. In peccato Theologico etiam involuntarium peccatum est. *V. d. Magic. d. 10. t. 36.* Sed hîc in Ethico & civili foro versamur.

16. *Divisio ejus ex virtute sumi potest, dirigens & directum, universale, ut feritas, & particulare, ut timiditas, quod excessus & defectus est, plenum & semiplenum, ordinarium & extraordinarium esse potest. V. t. 13. Peculiariter omissionis, cum agendum omittitur, ut non parentes honorare, & commissionis dicitur, cum veritum patratur, ut furari, mæchari. Quod vel intrinsecè tale, ut mæchari, vel ratione legis, ut in V. T. suillam comedere. De utroq; multa quæruntur, quæ apud Becanum, Valentiam, Tannerum, Lessium, aliosq; videas. V. imprimis Beca unum p. 2. T. 1. Th. Schol. tr. 2. C. 3. Conf. c. l. t. 21. Item in plenarium, quod consultò ac plenà voluntate, ut dolo & culpà latà, & semiplenum, quod inconsultè & non plenà voluntate fit, ut fortuitò, Dent. 19. v. 5. Aut affectu vehementiore ac homine digno, ira, Zelo, non indigno, ut odio, invidià, ebrietate acquisità. Illud excusationem, hoc aggravationem habet. Cur autem uni virtuti duplex vitium opponatur, excessus & defectus, Cum honestas virtutis unica sit, est, quòd ista honestas duplici debito substat, benè agere, & non plus aut minus, quàm benè agere, unde duplex vitiositas, excessus & defectus est. Affectiones ejus turpitudine, infamia, inhonestas, imparitas, & opponendi varietas sunt, quà & virtuti privativè, & contrariè, & duplex uni virtuti, & alteri vitio absolutè ac comparatè opponi potest. V. d. 3. t. 22. 23.*

Dec. 3. Miscell.

itini
ere
and
re.
li-
to:
are,

no-
r li
pe-
"

